

QAASUITSUP KOMMUNIA

SANAARTORNERMUT AVATANGIISINULLU SULLISSIVIK

RÁDHUSET POSTBOKS 1023 – 3952 ILULISSAT

Tlf.: (+299) 701100 – Fax: (+299) 701177 – E-POST [msp@qaasuitsup.gl](mailto:msp@qaasuitsup.gl)

---

Aatsitassanut Ikummatissanullu Pisortaqarfik

ULLOQ: 16.06.11

Allagaq nr.: 11370810

JOUR NR. 81.00

REF: msp

**Qaasuitsup kommuniata Capricornip “Pitu”-mi suliaqarfissami 3D-mik sajupillatsitsisarlungi misissuinissamut atatillugu VVM-imut nassuiaataata tusarniaassutigineqarneranut akissuteqaataa.**

Qaasuitsup Kommuniata Capricorn-ip VVM-imut nassuiaataa ulloq 31. maj 2011 tiguaa. Capricorn Greenland Exploration 1 Ltd, Kalaallit Nunaata Avannaata kitaani Baffin Bugtimi pisinnaatitsissuteqarfimmi nr. 2011/13-imi (“Pitu”) 3D-mik sajupillatsitsisarnermik misissuinissap akuersissuteqarfigineqarnissaanut qinnuteqarpoq. Tusarniaanermut akissuteqarnissaq ulloq 20. juni 2011-mut killilerneqarpoq.

Ilisimatitsissutigineqarpoq katersinissaq qinnuteqaatigineqartoq sumiiffimmi 1499 m<sup>2</sup>-isut annertussuilimmi ingerlanneqassasoq. 3D-mik sajupillatsitsisarlungi katersinissaq qinnuteqaatigineqartoq ulluni 33-it missaannik sivilissuseqassasoq naatsorsutigineqarpoq, aammalu sumiiffimmi sikoqarnera apeqqutaalluni piffissami juunip naaneraniit aggustimut ingerlanneqassalluni.

#### **Tusarniaanermut piffissaliussaq**

Tusarniaanermut piffissaliussap sivikinnera pissutigalugu tusarniaanermut akissuteqaat politikikkut suliarineqarsinnaasimangilaq. Taamatullu najukkani nunaqarfimmi aqutsisut peqataatinneqarnissaanut naammattumik piffissaqarfiusimanani.

Taamaalilluni tusarniaanermut akissuteqaat Qaasuitsup Kommuniani avatangiisinut immikkoortortaqarfimmit allaffissornikkut suliarineqarpoq. Tamatuma kingorna kommunalbestyrelsi aamma Nunaqarfimmi aqutsisut ilisimatinneqassapput. Tamatuma kingorna oqaaseqaatit / ilassuteqaatit politikikkut suliarinninneq pereersimalerniarpat nassiunneqassapput.

Tusarniaanermut piffissaliussaq sapaatit akunnerisa sisamat missaannik sivilissuseqartoq sivikippallaarpoq. Qaasuitsup kommuniata kaammattuutigissavaa tamanna minnerpaamik sapaatit akunnerinut 8-inut sivilissuseqassasoq. Tamatumani kommunimi tusarniaanermut najoqqutassat politikikkut suliarineqarnissaanut aammalu sumiiffimmi kalluarneqartussani nunaqarfimmi aqutsisunik peqataatitsinissamut naammaginartumik piffissaqartitsinissaq qulakkeerneqassaaq.

Taamatuttaaq tusarniaanermiit ingerlatassatut eqqarsaatigineqartut aallartinneqarnissaasa tungaanut piffissaliineq sivikitsuararsuuvoq/toqqaannartumik qalleraaffiuvoq. Tamatuma kingunerisaanik sunnuteqavissinnaaneq killeqarpoq. Kommunip siunnersuutigissavaa suleriaatsinik matumani pisumut naleqqiullugu tusarniaanermut najoqqutassat siusinnerujussuakut nassiunneqartarnissaannik

qulakkeerisussanik Aatsitassanut Ikummatissanullu Pisortaqarfik suliaqassasoq, taamaalilluni allannguutissaasinnaasut tusarniaanermut piffissap ingerlanerani saqqummersimasinnaasut piviusunngortinneqarnissaannut naammattumik piffissaqartitsisoqassalluni.

### **Tusarniaanermut akissuteqaatit pillugit ammasuutitsinissaq**

VVM-imut misiliilluni qillerinernut tunngassuteqartumut atatillugu tusarniaanermut akissuteqaatinut tunngatillugu ammanerulertoqarsimasoq Qaasuitsup Kommuniata naammagisimaarlugu paasivaa. Kommunip inassutigaa taamatuttaaq VVM-imut Sajuppillatsitsisarlungi misissuinerlut tunngassuteqartumut tusarniaanermut akissuteqaatinut tunngatillugu ammasumik pissuseqartoqassasoq.

### **Inuiaqatigiinnut iluaqutaasumik sunniutaasussat:**

Suliffissaqartitsinikkut, piginnaanngorsaanikkut assigisaannillu malittaasunik inuiaqatigiinnut iluaqutaasumik sunniuteqartitsinissamut periarfissaasinnaasut tamarmik atorluarneqarnissaat Kommunimut pingaaruteqarpoq.

### **Innuttaasunik peqataatitsineq**

Innuttaasut pitsaanerpaamik paasissutissiivigineqartarnissaat Qaasuitsup Kommuniata pingaartippaa. Pingaartumik innuttaasut inuuniarnerminni tunngavigisamik ingerlatanit sunniivigineqarsinnaasut misilittakkaminnik isumanerluutiminnillu oqariartuuteqarnissamik periarfissaqartariaqarput. Taamaattumik Qaasuitsup Kommuniata paaserusuppaa VVM-imik suliaqarnermut atatillugu Capricorn, assersuutigalugu Upernavimmi, Savissivimmi Kullorsuarmilu innuttaasunik ataatsimiititsisimanersoq? Ataatsimiititsinernit taamaattunit imaqarniliaq kinaassutsimik ersersitsiviuunngitsoq ilanngullugu nassiuunneqassappat annertuumik naleqqutissagalarpoq.

Najoqqutassat pissarsiariuminarnerulersinneqarnissaat pingaaruteqarpoq. Siunissami minnerpaamik "naalisaanerit tekniskiunngitsut" annertunngitsumik amerlassusilerlugit sumiiffinnut innuttaasut kallarneqartussat naatsorsuutigineqarsinnaasut najugaqarfiini (assersuutigalugu Upernavik, Qaanaaq, Kullorsuaq, Savissivik il.il.) sullissivinnut nassiuunneqartassat Qaasuitsup Kommuniata qinnutigissavaa. Qaasuitsup Kommuniata aamma inassutigaa najukkani raatiu tusagassiiviillu allat atornerarnerusassat.

### **Immikkut ilisimasallit VVM-imut nassuiaammik nalilersuinerat**

Qaasuitsup Kommuniat pingaartumik najukkani pissutsinik ilisimasaqarpoq, VVM-imut nassuiaammik sukumiisumik nalilersuinissamut pisariaqartumik immikkut ilisimasaqartunik imaluunniit isumalluutissanik peqarani. Taamaattumik immikkut ilisimasallit Pinngortitaleriffimmeersut aammalu Danmarkip Avatangiisinut Misissuisarfianeersut (DMU), avatangiisinut sunniutaanerluttussat sapinngisamik annikillisinnaarneqarsimanerannut kiisalu sunniinerit pingaartumik uumasunut kiisalu sumiiffinni aalisarnermut piniarnermullu tunngatillugu akuersaarneqarsinnaasumik annertussuseqarnerannut tunngatillugu VVM-imut nassuiaammik peqqissaartumik sukumiisumillu nalilersuisimassat Qaasuitsup Kommuniata pingaartippaa. Tusarniaanermut piffissaliussap sivikitsuinnaanera DMU-p aamma Pinngortitaleriffiup VVM-imut nassuiaammik misissuinissaanut sunniuteqarnerlussimanngitsoq Qaasuitsup Kommuniata uppenarserusuppaa.

### **Nipiliorneq**

3D-mik sajuppillatsitsisarnermi atortunik atuneq, atortunut siusinnerusukkut sajuppillatsitsisarlungi misissuinerlut atatillugu atornerqarsimasunut naleqqiullugu annertunerusumik nipiliornermik nassataqassanersoq Qaasuitsup Kommuniata paaserusuppaa? Aamma nipiliorneq aalajangersimasoq sumiiffimmi uumasunut qanoq sunniuteqassanersoq naalisaanermi tekniskiunngitsumi

erseqqinnerulersinneqartariaqarpoq. Qaasuitsup Kommuniata pingaartippaa Capricorn-ip uppernarsassagaa nipiliorneq sapinngisamik annikinnerpaamiitilerlugu annikillisinneqarsimasoq.

### **Uumasut, piniarnerup eqqissimatitsinerullu mianerineqarnissaat**

Sapinngisaq tamaat sumiiffimmi uumasut eqqarsaatigineqassasut Qaasuitsup Kommuniata pingaartippaa.

Qimusseriarsuaq eqqissimatitaavoq. Upernavimmi aamma nunaqarfimmi Savissivimmi innuttaasut akuttunngitsumik ilaatigut qilaluarniarlutik piniariarnermut atatillugu Qimusseriarsuarmi eqqaanilu angalaartarput. Qilaluarniarneq pisassiisarnikkut maleruagassaqartinneqarpoq. Piniartarneq pingaartumik aasalerneraniit ukiap tungaanut ingerlanneqartarpoq.

Sajuppillatsitsisarluni misissuinerit sumiiffimmi piniarnikkut periarfissanik sunniissaanersut, kiisalu arferit piffissami tassani piniarnermit nipiliornermillu eqqorneqarneranni sunniutaasussat annertusiartornissaat sillimaffigineqarnersoq Qaasuitsup Kommuniata paaserusuppaa.

Aalisarneq piniarnerlu illoqarfinni nunaqarfinnilu sumiiffiup eqqaaniittuni ilaqtariinnut arlalinnut inuuniarnikkut tunngaviuvoq, taamaattumik sumiiffimmi uumasut piniarnerlu annertunerpaamik eqqarsaatigineqartariaqarput.

Piniarnermut periarfissat sunnernerlunneqartut paasinarsissappat piniartut taarsiivigineqarnissaat Qaasuitsup Kommuniata pingaartippaa.

Eqqissimatitsinermut tunngatillugu aalajangersimasunik killilersuinerit aalajangersagaqarpoq, taamatuttaaq eqqissimatitsinermut aammalu Pitumi suliaqarfiusussamut atatillugu killilersuinerit sunniutissaat annertusiartortussaasut assersuutigalugu sumiiffimmi angalanermit atatillugu isumaliutigineqarnissaat pingaaruteqarpoq.

### **Sajuppillatsitsisarluni misissuinerit piffissaq ingerlanneqarfissaat**

Sajuppillatsitsisarluni misissuinerit piffissami uumasunik annikinnerpaamik ajoqusersuiffiusinnaasumi ingerlanneqarnissaat Kommunip aalajangiisuulluinnartutut isigaa. Taamaattumik Qaasuitsup Kommuniata apeqqutigerusuppaa sumiiffimmi uumasunut kiisalu nunaqavissut sumiiffimmi angalanerannut atuinerannullu sunniinnerlussinnaanerit piffissami juunimiit aggustimut misissuiffiusussatut siunnersuutigineqartumi qaqugukkut annikinnerpaajussanersut misissorneqarsimanersoq?

Inussiarnersumik inuulluaqqusillunga

Mette Skarregaard Pedersen

Silap pissusaanut Avatangiisinullu immikkut siunnersorti

Qaasuitsup Kommunia